

商隱集下

卷之五

卷之四

李商隱詩集卷第六

五言排律

哭虔州楊侍郎虞卿

漢網疎仍漏齊民固未蘇如何大丞相翻作

弛刑徒中憲方外易

史記云商鞅
左傳云

尹京終就

拘本於能驅謗先議取非辜巧有疑脂密功

無一柱扶漂知獄吏貴幾迫季冬誅叫帝青

天濶辭家白日哺流亡誠不弔神理若爲誣

在昔恩知忝諸生禮秩殊入韓非劍客過趙

受鉗奴楚水招魂遠邨山下宅孤甘心親垣

蟻旋踵戮城狐是冬部陰隲今如此天災未

可無莫憑牲王請便望救焦枯

送平山李將軍赴闕五十韻後將十

照席璫枝秀當年紫綬榮班賁古直閣勲伐

舊西京在晉王綢系因國步清如無一戰

霸安有大橫庚內豎依憑切凶門責望輕中

台終惡直上將更要盟丹陛祥煙滅皇闡殺

氣橫喧闐衆狂怒容易入蠻驚禱杌寬貧乏

防風戮不行素來矜異類此去豈親征捨魯
真非策居邠未有名曾無力救御寧待雨師
迎火箭侵采石雲梯逼禁營何時統刀斗不
夜見攬槍屢亦聞投鼠誰其敢射鯨世情休
念亂物議笑輕生大鹵思龍躍蒼梧失象耕
靈衣沾愧汗儀馬用陰兵別館蘭薰酷深宮
燭焰明黃山遮舞態黑水斷歌聲縱未移周
鼎何辭免趙坑空耆轉闔地數板不沉城且
欲憑神筭無同計力爭幽囚蘇武節棄世仲

由纓下殿言終駭曾陴事早萌

先時襄道亮請修奉天城

蒸雞殊減膳屑變典和羹否極時還泰屯餘

運果亨流離幾南渡倉卒得西平神鬼收昏

黑奸兇首滿盈官非督護貴師以文人負覆

載還高下寒暄急改更馬前烹菴卓壇上挹

韓彭扈蹕三才正迴軍六合晴此時唯短劍

仍世盡雙旌顧我由群從逢君歎老成慶流

仙嫡長貽厥在名卿爭擊須當要鵬搏莫問

程趨朝排玉座出位汪公整幸藉梁園賦叨

蒙許氏評中郎推貴壻定遠重時英政已標
三尚人今行一鳴長刀懸月魄快馬駿星精
披豁慙深眷睽離動素誠蕙留春畹晚松待
歲嶢嶢異縣期迴鴈登時已餽鯖去程風刺
刺別夜漏丁丁庾信生多感楊朱死有情絃
危中婦瑟甲吟想天筭會與秦樓鳳俱聽漢
苑鶯洛川迷曲沼烟月兩心傾

有懷寄祕閣舊僚二十六韻

年髯日堪悲衡茅益自嗤攻文拮据處世

鈍如鎚敢望垂堂誠寧將暗室欺懸頭曾告
學折臂反成醫僕御嫌大懦孤童笑叔癡小
男方嗜栗幼女漫憂瘥過多誰先歎逢聖即
更吹官銜同畫餅面貌之凝脂典籍將蠹測
文章若管窺圖形翻類狗入夢肯非黑自哂
成書麓終當呪酒卮懶露襟上血羞鑷鏡中
絲橐鑰言方喻擣蒲茵詎知事神徒惕慮佞
佛愧虛詞曲藝垂麟角浮名狀虎皮乘軒寧
見勦寵幕更逢危禮俗拘慙喜侯王忻戴逵

途窮方結舌靜勝但搥頤糲食空彈劍亨衢
詎置錫栢臺成一號共閣暫肩隨悔逐遷鶯
伴誰觀捫虱時甕間眠不卒床下隱何卑奮
跡登弘閣拉心對董帷校讎如有暇松竹一
相思

四年冬以退居蒲之永樂渴然有農望
歲之志遂作憶雪又作殘雪詩各一百
言以寄情于遊舊

憶雪

愛景人方樂同雲候稍憊徒聞周雅什願賦
朔風篇欲俟千箱慶須資六出妍詠留飛絮
後歌唱落梅前庭樹思嚼藥粧樓認粉繇瑞
選盈尺日豐待兩岐年預約延收酒虛乘訪
戴船映書孤志業披覽阻神仙幾向霜堦步
頻將月幌褰玉京應已足白屋但顯然

殘雪

旭日開晴色寒空失素塵遠墻全剝粉傍井
漸銷銀刻獸推鹽虎爲山倒玉人珠還猶照

魏壁碎尚留秦落月驚侵晝餘光悞惜春簷
冰滴鴉管屋瓦鏤魚鱗嶺霽嵐光拆松暄翠
蓋新摧林愁掃盡耆砌恐行頻焦寢忻無患
梁園去有因莫能知帝力望此荷平均

大鹵平後移家到永樂縣居書懷十韻

寄劉韋二前輩二公嘗於此縣寄居

驅馬遶河干家山照露寒依然五柳在況值
百花殘昔去驚投筆今來分挂冠不憂懸磬
乏乍盡覆盂安解破甕迴顧舟沉豈暇看脫

身離虎口愁疾就猪肝鬚入新年白顏無舊
丹自悲秋穫少誰懼夏畦難逸志忘鴻鵠
清香被蕙蘭還持一杯酒坐想二公歡
自桂林奉使江陵途中感懷寄弟尚書
下客依蓮幕明公念竹林公與江陵相繼然
膺使命何以泰徵音投刺雖傷晚酬恩豈在
今迎來青瑣閣從到碧瑤岑水勢初知海天
文始識參同慙非賈誼唯恐後陳琳前席驚
空辱華樽許細斟尚憐秦瘠苦不遣楚醪沉

既載從戎筆，仍披選勝襟。
灑通伏波柱，簾對有虞琴。
宅與嚴城接，門藏別岫深。
閣涼松冉冉，堂靜桂森森。
社內客周續，鄉中保展禽。
白衣居士訪，烏帽逸人尋。
佞佛將成傳，耽書或類淫。
長懷五服贖，終著九州歲。
良訊封鴛綺，餘光借玳簪。
張衡愁浩浩，沈約瘦恹恹。
蘆白疑粘鬢，楓丹欲照心。
歸期無鴈報，旅抱有猿侵。
短日安能駐，低雲只有陰。
亂鴉銜網寒，女簇遙砧。
東道違寧久，西園望不禁。
江生魂

黯黯泉客淚泔泔逸翰應藏法高詞肯浪吟
數頃傳庾翼萬獨與盧諶假寐憑書簾哀吟
扣劍鐔未嘗貪偃息那復議登臨彼美迴清
鏡其誰受曲針人皆向燕路無乃費黃金

送從翁從東川弘農尚書幕

大鎮初更帥嘉賓素見邀使車無遠近歸路
步煙霄穩放驂騑走高安翡翠巢御風知有
在去國肯無聊早忝諸孫末俱從小隱招心
懸紫雲閣夢斷赤城標素女悲清瑟秦娥弄

碧簫山連玄圃近水接絳河遙豈意聞周鐸
翻然慕舜韶皆辭喬木去遠逐斷蓬飄薄俗
誰其激斯民已甚佻驚鳳期一舉燕雀不相
饒敢共頽波遠因之內火燒是非果別夢時
節慘驚飈末至誰能賦中乾欲病瘠屬曾行
錦繡勉欲報瓊瑤我恐霜侵髮君先綬挂腰
寸心與陳阮揮手謝松喬錦里差隣接雲臺
閑寂寥一川虛月魄萬峴自芝苗瘴雨瀧間
急離魂峽外銷非閑無燭夜其奈落花朝幾

處逢鳴珮何筵不翠翹
蠻童騎象舞江市賣
鮫綃南詔知非敵
西山亦屢驕勿貪佳麗地
不爲聖明朝少減東城飲
時看北斗杓莫因乖別久
遂逐歲寒凋盛幕開高宴
將軍問故寮爲言公玉季
早日棄漁樵

今月二日不自量度輒以詩一首四十
韻干瀆尊嚴伏蒙仁恩俯賜披覽獎踰
其實情溢於詞顧惟踈蕪曷用酬戴輒
復五言四十一韻詩一章獻上亦詩人詠

龍顏守三章約嘗期九譯通薰琴調大樂實
瑟和神農慨慷資元老周旋值校童仲元差
問陣魏絳喜和我斬斬將除蠹孜孜欲進聰
所求因得濁安肯與雷同物議將調鼎君恩
忽賜弓開吳相上下全蜀占西東鮪卒魚鱖
餌豪胥鳥在籠疲民呼社母隣國仰三公置
驛推東道安禪合此宗嘉賓增重價上士誤
眞空扇舉遮王導樽開見孔融烟飛愁舞罷
塵定惜歌終岸柳兼池綠園花映燭紅未憎

周顥醉轉覺季心恭繫滯喧人望便蕃屬聖
衷天書何日降庭燎幾時烘早歲乖投刺今
晨幸發蒙遠途哀跛躄薄藝與雕蟲故事曾
尊隗前修有薦雄終須煩刻畫聊擬更磨礪
蠻嶺晴飛雪巴江晚帶風辭巢憐越燕裂帛
待燕鴻自苦誠先藥長飄不復逢容華雖少
健思緒即衰翁感激淮山館優游碣石宮待
公三入相丕祚始無窮

五言述德抒情詩一首四十韻獻上杜

七兄侯射相公

帝作黃金闕仙開白玉京有人扶太極維岳
降元精真取官勲大鉤陳地望清旂常懸祖
德甲今著嘉聲經出宣尼壁書留晏子楹武
卿傳陣法踐土主文盟自昔流王澤由來仗
國楨九河分合脊一柱忽崢嶸得主勞三顧
驚人肯再鳴碧空天靜轉黃道日同行後飲
曹參酒先和傳說羹臠時賢路闢此夜泰階
平願保無疆福將圖不朽名率身期濟世叩

額應興兵感念嶠屍露咨嗟趙卒坑倘今安
隱忍何以贊貞明惡草雖當路寒松實挺生
人言真可畏公意本無爭故事留臺閣前驅
且旆旌芙蓉王儉府楊柳亞夫營清嘯頻踈
俗高談屢析醒過庭多令子乞墅有名甥南
詔應聞命西山莫敢驚寄詞收的博端坐掃
撓搶雅宴初無倦長歌底有情檻危春水暖
樓迥雪峯晴移席牽綳蔓迴撓撲絳英誰知
杜武庫只見謝宣城有客趨高義予今滯下

卿登門慙後至置驛恐虛迎自是依劉表安
能比老彭雕龍心已切畫虎意何成豈有曾
黔突徒勞不倚衡乘時非巧宦法象合難貞
廢忘淹中學遲迴谷口耕悼傷潘岳重樹立
馬遷輕隴鳥悲丹甯湘蘭怨紫莖歸期過舊
歲旅夢繞殘更弱植叨華族衰門倚外兄欲
陳勞者曲未唱淚先橫

夜思

銀箭耿寒漏金缸凝夜光綵鸞空百舞別燕不

相將寄恨一尺素含情駛玉璫曾前猶月在
去後始宵長往事經春物前期託報章永令
虛筆枕長不掩蘭房覺動迎梢影疑來浪應
香鶴應聞露警蟬亦爲花忙古有陽臺夢今
多下蔡倡爲何處冰雪消瘦滯非鄉

寫懷

絲窗食顛氣威風食卿雲長養三清境追隨
玉帝君烟波遠汲汲增歡任云云下界圓黃
道前經合紫氣金書唯是見立誓不勝聞草

爲迴生機皆緣此死葉海明三島見天迫九
江分寒嶺無勞機神未豈司新開龍風結陣
惜照雲武文漢殿霜何早泰宮日已曛星機
迴轉緒月并散靈氣陽鳥西南下相思不及
春

木蘭

二月二十二木蘭開折初初當新嘉酒復自
以離居愁絕更傾國驚新聞遠魚紫絲何日
障油壁幾時車弄粉知傷重調紅別有餘

波痕空映襪烟態不勝裾桂嶺含芳遠蓮塘
屬意踈瑤姬與中父長短定何如

細雨成詠獻西書河東公

洒砌聽來響卷簾看已迷江間風暫定雲外
日應西稍稍落暎粉班班融燕泥颺萍初過
沼重柳更綠堤必疑和殘漏寧無晦暝蓋半
將花漠漠全共草萋萋猿別方長嘯鳥驚始
獨棲府公能入詠聊且續新題

病中聞河東公樂營置酒口占寄上

聞駐行車旅中逢貴物無緣憂武昌柳遂憶

洛陽花舊鷺元無對荀龍不在誇只將滄海

月長壓赤城霞與欲傾燕館歡於到習家風

長應側帽獨景公醉不止風雨路隘豈容

車相逢狹路問獨迎坡霜錦窓虛日三鈔鎖

門金了烏展陣三叉鴉舞妙從兼焚歌能莫

離巴必殺潘岳果誰慘補衡補虛士擊鼓

揭刻燭當時奉傳示此公賒可吟酒浦升愁

緒獨如麻

擬意

悵望逢張女遲迴送阿侯空看小番手忍問
大刀頭妙選茱萸帳平居翡翠樓雲衣不取
樓月扇未障羞上掌初何有傾城豈自由楚
妃交薦枕漢后共藏闥夫向牛車覓男從鳳
穴求書成校楔帖唱殺畔勞愁夜杵鳴江練
春刀解石榴象床穿幃網犀帖釘窓油仁壽
遺明鏡陳倉拂絲毬真防舞如意佯蓋卧瑩
篋濯錦桃花水濺裙杜若洲魚兒懸寶劍燕

子合金甌銀箭摧搖落華筵慘去留幾時消
薄怒從此抱離憂帆落啼猿峽樽開畫鷁舟
急絃腸對斷剪燭淚爭流壁馬誰能帶金虫
不復收銀河撲醉眼珠串咽歌喉去夢隨川
后来風處石鄒蘭叢銜露重榆莢點星稠解
珮無遺跡凌波有舊遊曾來十九首私讖詠
牽牛

謝往桂林至彤庭竊詠

辰象森羅正鉤陳翊衛寬魚龍排百戲劍佩

儼千官城禁將明曉宮深欲曙難月輪移杳
詣仙路下闌干北窗高襟應將陳壽酒歡金
星壓三角銀漢轉波瀾王母來空闔羲和上
屈盤鳳皇傳詔旨獬豸冠朝端造化中台座
威風大將遠甘泉猶望幸早晚冠呼韓

送從叔東川弘農尚書幕

昔帝迴冲眷維皇惻上仁三靈迷赤氣萬彙
別蒼旻刊木方隆禹陞師始創殷夏臺曾圮
閉祀永敢逡巡拯溺休規步防虞要從新蒸

黎今得請宇宙昨還淳績祖功宜急貽孫計
甚勤降災雖代有稔惡不無因宮掖方爲蠱
邊隅忽遘迤獻書秦逐客間諜漢名臣北伐
將誰使南征決此辰中原重板蕩玄象失鉤
陳詰旦遘清道銜校別紫宸茲行殊壓勝故
老遂分新去異分於輩來寧避處邠永嘉幾
失墜宣政遽酸辛元子當傳啓皇孫合授詢
時推三揖讓表請再陶鈞舊好盟還在中樞
策屢遵蒼黃傳國璽違遠屬車塵離虎如憑

怒發龍往漫馴封榮自何等流落乃斯民逗
撓官軍亂優容敗將頻早朝披草莽夜繼達
絲綸忘戰追無及長驅氣益振婦言終未易
廟略况非神日馭難淹蜀星旄要定秦人心
誠未去天道亦無親錦水濺雲浪黃山掃地
春斯文虛夢烏吾道欲悲麟斷續殊鄉淚存
亡滿席珍魂銷李羔實衣化子張紳建議庸
何所通班昔溫臻浮生見開泰獨得詠汀蘋

官軍一作軍官

李商隱詩集卷第六

李商隱詩集卷第七

七言律詩

潭州

潭州官舍暮樓空，今古無端入望中。
湘淚淺深資竹色，楚歌重疊怨蘭叢。
陶公戰艦空灘雨，賈傅承塵破廟風。
目斷故園人不至，松醪一醉與誰同。

贈劉司戶蕡

江風揚浪動雲根，重碇危樯白日昏。
已斷燕

鴻初起勢更驚
騷客後歸魂
漢廷急難誰先
入楚路高歌欲
自翻萬里相逢
歡復泣鳳巢
西隔九重門

南朝

玄武湖中玉漏催
雞鳴埭口繡襦迴
誰言瓊樹朝朝見
不及金蓮步步來
敵國軍營漂水
柿前朝神廟鎖煙
煤滿宮學士皆顏
色江令當年只費
才

送崔班往西川

年少因何有旅愁，欲爲東下更西遊。
一條雪浪吼巫峽，千里火雲燒益州。
卜肆至今多寂寞，酒壚從古擅風流。
洗花牋紙桃花色，好爲題詩詠玉鉤。

和令狐綯戲贈二首

東望花樓會不同，西來雙燕信休通。
仙人掌上分三霄，露玉窵虛五夜風。
翠袖自隨迴雪轉，燭房尋類外庭空。
殷勤莫使清香透，牢合金魚鎖桂叢。

迢遞青門有幾關
柳梢樓角見南山
明珠可貫須爲珮
白壁堪裁且作環
子夜休歌團扇掩
新正未破剪刀閑
猿啼鶴怨終年事
未抵香爐一夕間

隋宮

紫凋宮殿鎖煙霞
欲取蕪城作帝家
玉璽不緣歸日角
錦帆應是到天涯
于今腐草無螢火
終古垂楊有暮鴉
地下若逢陳后主
豈宜重問後庭花

籌筆驛

魚鳥猶疑畏簡書
風雲長爲護儲胥
徒令上將揮神筆
終見降王走傳車
管樂有才終不忝
關張無命欲何如
他年錦里經祠廟
梁甫吟成恨有餘

九成宮

十二層城閤苑西
平時避暑拂虹霓
雲隨夏后雙龍尾
風逐周王八駿蹄
吳岳曉光連翠嶺
甘泉晚景上丹梯
荔枝盧橘沾恩澤
鸞鵲

天書濕紫泥

馬嵬

海外徒聞更九州他生未卜此生休
空聞虎旅鳴宵柝無復雞人報曉籌
此日六軍同駐馬當時七夕笑牽牛
如何四紀爲天子不及盧家有莫愁

九州鄒衍云九州之外更有九州

茂陵

漢家天馬出蒲梢
首膏榴花遍近郊
內苑只知嚙鳳嘴
屬車無復捕雞翹
玉桃偷得憐方

朔金屋粧成貯阿嬌誰料蘇卿老歸國茂陵
松栢雨瀟瀟

粧一作修

碧城三首

碧城十二曲闌干犀辟塵埃玉辟寒閨苑有
書多附鶴女墻無樹不栖鸞星沉海底當窓
見雨過河源隔塵看若是曉珠明又定一生
長對水晶盤

對影聞聲已可憐玉池荷葉正田田不逢蕭
史休迴首莫見洪崖更拍肩紫鳳放嬌銜楚

珮赤鱗狂舞撥湘絃鄂君惆悵舟中夜繡被
焚香獨自眠

七夕來時先有期洞房簾箔至今垂玉輪顧
兔初生魄缺網珊瑚未有枝檢舉神方教駐
景收將鳳紙寫相思武皇內傳分明在莫道
人間捻不知

題僧壁

捨生求道有前蹤乞腦剜身結願重大去便
麼欺粟顆小來兼可隱針鋒蚌胎未滿思新

桂琥珀初成憶舊松若信具多真實語三生
同聽一樓鐘

飲席戲贈同舍

洞中屐響省分携不是花迷客自迷珠樹重
行憐翡翠玉樓雙舞羨鷓鴣雞蘭迴舊畹緣屏
綠椒綴新香和壁泥唱盡關山無限疊半盃
松葉凍玻璃

令狐八拾遺絢見招送裴十四歸華州
二十中郎未足稀驪駒先自有光輝蘭亭宴

罷方回去雪夜詩成道蘊歸漢苑風煙催客
夢雲臺洞穴接郊扉嗟予久抱臨邛渴便欲
因君問釣磯

荆門西下

一夕南風一葉危荆雲迴望夏雲持人生豈
得輕離別天意何嘗忌嶮巖骨肉書題安絕
徼蕙蘭蹊徑失佳期洞庭湖濶蛟龍惡却羨
楊朱泣路歧

藥軒

鬱金堂北畫樓東，換骨神方上藥通。
露氣暗連青桂苑，風聲偏獵紫蘭叢。
長籌未必輸孫皓，香棗何勞問石崇。
憶事懷人兼得句，翠衾歸卧繡簾中。

富平少侯

七國三邊未到憂，十三身襲富平侯。
不收金彈拋林外，却惜銀床在井頭。
綵樹轉燈珠錯落，綉檀回枕玉雕鏤。
當關莫道侵晨客，新得佳人字莫愁。

綵樹一作綠樹

少年

外戚平羗第一功
生年二十有重封
直登宣室螭頭上
橫過甘泉豹尾中
別館覺來雲雨夢
後門歸去蕙蘭叢
灞陵夜獵隨田實
不識寒郊有轉蓬

促漏

此篇擬深宮怨而作

促漏遙鐘動靜聞
報章重疊杳難分
舞鸞鏡匣收殘黛
睡鴨香爐換夕熏
歸去定知還向月
夢來何處更爲雲
南塘漸煖蒲堪結
兩兩

鴛鴦護水紋

聞歌

歛笑凝眸意欲歌
高雲不動碧嵯峨
我銅臺罷望歸何處
玉輦忘還事幾多
青塚路邊南鴈盡
細腰宮裏北人過
此聲腸斷非今日
香燭燈光奈爾何

錦瑟

錦瑟無端五十絃
一絃一柱思華年
莊生曉夢迷蝴蝶
望帝春心託杜鵑
滄海月明珠有

黃山谷讀此詩不
勝其意以問東坡
答曰出古今樂志
錦瑟之為號也其

絃五十其移如之
其聲通怨清和
領縣適怨也頸
縣清和也

淚藍田日暖三生煙此情可待成追憶祇是
當時已惘然

寫意

燕鴈迢迢隔上林高秋望斷正長吟人間路
有潼江險天外山惟玉壘深日向花間留返
照雲從城上結層陰三年已制思鄉淚更入
新年恐不禁

哭劉蕢

上帝深居閉九閭巫咸不下問
嗟冤廣寒別

後春濤隔湓浦書來秋兩鵝只有安仁能作
誅何曾宋玉解招魂平生風義兼師友不敢
同君哭寢門

重過聖女祠

白石巖扉碧蘚滋上清淪謫得歸遲一春夢
雨常飄瓦盡日靈風不滿旗夢綠華來無定
所杜蘭香去未移時玉郎會此通仙籍憶向
天涯問紫芝

重有感

玉帳牙旗得上游，安危須共主君憂。
竇融表已來關右，陶侃軍宜次石頭。
豈有蛟龍曾失水，更無鷹隼與高秋。
晝號夜泣兼幽顯，早晚星關雪涕收。

曾一作悲泣一作哭

杜工部蜀中離席

世人何處不離群，七路干戈惜暫分。
雪嶺未歸天外使，松州猶駐殿前軍。
座中醉客延醒客，江上晴雲雜雨雲。
美酒成都堪送老，當壚仍是卓文君。

二月二日

二月二日江上行東風日暖聞吹笙花鬢柳
眼各無賴紫蝶黃蜂俱有情萬里憶歸元亮
宅三年從事亞夫營新灘莫恨遊人意更作
風簷夜雨聲

深宮

金殿香銷閉綺籠玉壺傳點咽銅龍颼風不
惜蘿陰薄清露偏知桂葉濃斑竹簾邊無限
淚景陽宮裏及時鐘豈知爲雨爲雲處只有

高唐十二峯

留贈畏之

時將赴職梓潼遇韓朝迴

清時無事奏明光
不諱當關報早霜
中禁詞臣尋引領
左川歸客自迴腸
郎君下筆驚鸚鵡
侍女吹笙弄鳳凰
空寄大羅天上事
衆仙同日詠霓裳

對雪二首

時欲之東

寒氣先侵玉女扉
清光旋透省郎闥
梅花大庾嶺頭發
柳絮章臺街裏飛
欲舞定隨曹植

馬有情應濕謝莊衣
龍山萬里無多遠
留待行人三月歸

旋撲珠簾過粉墻
輕於柳絮重如霜
已隨江令誇瓊樹
又入盧家妬玉堂
侵夜可能爭桂魄
忍寒應欲試梅粧
關河凍合東西路
腸斷班駟送陸郎

牡丹

錦幃初卷衛夫人
繡被猶堆越鄂君
垂手亂翻雕玉珮
招腰爭舞鬱金裙
石家蠟燭何曾

剪荀令香爐可待熏我是夢中傳彩筆欲書

花葉寄朝雲

錦帷典故云夫子見南子在錦帷之中

聖女祠

松篁臺殿蔥香幃龍護瑤窓鳳掩扉無質易
迷三里霧不寒長著五銖衣人間定有崔羅
什天上應無劉武威寄問釵頭雙白燕每朝
珠館幾時歸

野菊

苦竹南園椒塢邊微香冉冉淚涓涓已悲節

物同寒鴈忍委芳心與暮蟬細路獨來當此
夕清搏相伴省他年紫雲新苑移花處不取
霜裁近御筵

與同年李定言曲水閑話戲作

蘆葉稍稍夏景深郵亭暫欲洒塵襟昔年曾
是江南客此日初爲閩外心思子臺邊風自
急玉娘湖上月應沉清聲下及行人去一世
芳塵半夜砧

芳塵一作荒城

子初郊墅

言集卷八
有山對酒君思我聽鼓離城我訪君臘雪已
添墻下水齋鍾不散檻前雲陰移竹栢濃還
淡歌雜漁樵斷更聞亦擬村南買田舍子孫
相約事耕耘

井絡

井絡天彭一掌中謾誇天設劒爲峯陣圖東
聚煙江石邊旂西懸雪嶺松堪嘆故君成社
宇可能先主是真龍將來爲報姦雄輩莫向
金牛訪舊蹤

宋玉

何事荆門百萬家獨教宋玉擅才華
楚辭已不饒唐勒風賦何曾讓景差
落日渚宮供觀閣開年雲夢送煙花
可憐庾信尋荒徑猶得三朝托後車

贈別前蔚州契苾使君

使君遠相國
初功臣也

何年部落到陰陵
奕世勤王國史稱
夜捲牙旗千帳雪
朝飛羽騎一河冰
蕃兒襁負來青塚
狄女壺漿出白登
日暮鷺鶩泉畔獵
路人

遙認郢都鷹

送戶部李郎中充昭義攻討

時行次昭應縣道上

將軍大旆掃狂童
詔選文臣贊武功
暫逐虎牙臨故絳
遠含鷄舌過新豐
魚遊沸釜知無日
鳥覆危巢豈待風
早勒勛庸燕石上
佇光綸綍禁闈中

文臣一作名賢

中元

絳節飄飄萬國來
中元朝拜上清回
羊權雖得金條脫
溫嶠終虛玉鏡臺
曾省驚眠聞雨

過不知迷路爲花開有娥未抵瀛洲遠青雀
何如鵲鳥媒

隋宮守歲

消息東郊木帝回宮中行樂有新梅沉香甲
煎爲庭燎玉液瓊酥作壽杯遙望露盤疑是
月遠聞鼉鼓欲驚雷昭陽第一傾城色不踏
金蓮不肯來

是一作有

天平公座中呈令狐公時蔡京在坐京
曾爲僧徒故有第五句

言集卷十
十三
罷執霓旌上醮壇謾裝嬌樹水晶盤更深欲
訴蛾嬌歛衣薄臨醒玉艷寒白足禪僧思敗
道青袍御史擬休官雖然同是將軍客不敢
公然仔細看

寄令狐學士

祕殿崔嵬拂彩霓曹司今在殿東西賡歌太
液翻黃鵠從獵陳倉獲碧鷄曉飲豈辭金掌
迥夜吟應訝玉繩低鈞天雖許人間聽閭闔
門多夢自迷

題劍門先寄上司徒杜公

峭壁橫空限一隅
劃開元氣建洪樞
梯航百貨通邦計
鍵閉諸蠻屏帝都
西蹙犬戎威北狄
南吞荊郢制東吳
千年管鑰誰鎔範
只自先天造化爐

漢南書事

西師萬衆幾時迴
哀痛天書近已裁
文吏何曾重刀筆
將軍猶自舞輪臺
幾時拓土成王道
從古窮兵是禍胎
陛下好生千萬壽
玉樓

長御白雲杯

當句有對

密邇平陽接上蘭秦樓鴛瓦漢宮盤池光不
定花光亂日氣初涵露氣乾但覺遊蜂饒舞
蝶豈知孤鳳憶離鸞二星自轉三山遠紫府
程遙碧落寬

隨師東征

東征日調萬黃金幾竭中原買鬪心軍令未
聞誅馬謖捷書唯是報孫歆

平吳之役上言
得歆吳平孫尚

在但須驚驚巢阿閣豈暇鳴鵙在泮林可惜
前朝玄菟郡積骸成莽陣雲深

韓同年新居餞韓西迎家室戲贈

藉藉征西萬戶侯新緣貴壻起朱樓一名我
謾居先甲千騎君翻在上頭雲路招邀迴彩
鳳天河迢遞笑牽牛南朝禁臠無人近瘦盡
瓊枝詠四愁

奉和太原公送前楊秀才戴兼招楊正
字戎

言集卷十一
十五
潼關地接古弘農萬里高飛鴈與鴻桂樹一
枝當白日芸香三代繼清風仙舟尚惜乘雙
美綵服何由得盡同誰憚士龍多笑疾美髭
終類晉司空

正月崇讓宅

密鎖重關掩綠苔廊深閣迥此徘徊先知風
起月含暈尚自露寒花未開蝙蝠拂簾旌終展
轉鼠翻窓網小驚猜背燈獨共餘香語不覺
猶歌夜起來

奉同諸公題河中任中丞新荊河亭四
韻之作

萬里誰能訪十洲新亭雲構壓中流
蛟縱翫難爲室海蜃驚逢恥化樓
左右名山窮遠目東西大道鎖輕舟
獨留巧思傳千古長與蒲津作勝遊

過故府中武威公交城舊莊感事

信陵亭館接郊畿幽象遙通晉水祠
日落高門喧燕雀風飄大樹感熊羆
新蒲似筆思投

日芳草如茵憶吐時山下祗今黃絹字淚痕
猶墮六州兒

贈田叟

荷篠衰翁似有情相逢携手遶村行
燒畬曉映遠山色伐樹暝傳深谷聲
鷗鳥忘機翻浹洽交親得路昧平生
撫躬道直誠感激在野無賢心自驚

和人題真娘墓

真娘吳中樂妓墓在虎丘山下寺中

虎丘山下劒池邊長遣遊人歎逝川
冑樹斷

絲悲舞席出雲清梵想歌筵柳眉空吐效嚙
葉榆英還飛買笑錢一自香魂招不得祇應
江上泣嬋娟

人日即事

文王喻復今朝是子晉吹笙此日同
離格有苗旬太遠周稱流火月難窮
鏤金作勝傳嘉俗翦絲爲人起晉風
獨想道衡詩思苦離家恨得二年中

和馬郎中移白菊見示

陶詩只採黃金實
郢曲新傳白雪英
色示同籬下發
繁花疑自月中生
浮杯小摘開雲
母帶露全移綴
水精偏稱含香
五字客從靈
得地始芳榮

贈茅山高拾遺一首

諫獵歸來綺里歌
大茅峯影薄秋波
山齋出客掃紅葉
野徑送僧披綠莎
長覆苔圖集勢
盡偏添新品藥
名多雲中黃鵠
日千里自宿
自飛無網羅

一笛迎風萬葉飛
強誇刁筆換征衣
潮寒水國秋砧早
月暗山城曉漏遲
岩響遠催行客過
浦深遙送釣船歸
中年未識從軍樂
虛近三茅望小微

喜聞太原同院崔侍御臺拜兼寄在臺
三同年之什

鵬魚何事遇屯同
雲水昇沉一會中
劉放未歸雞樹老
鄴陽新步兔園空
寂寥我對先生柳
赫奕君乘御史驄
若向南臺見鶯友
爲傳

李商隱詩集卷第七
垂翅度春風

李商隱詩集卷第七

李商隱詩集卷第八

七言律詩

五十九

柳

江南江北雪初銷
漠漠輕黃惹嫩條
灞岸已攀行客手
楚宮先聘舞姬腰
清明帶雨臨官道
晚日含風拂野橋
如線如絲正牽恨
王孫歸路一何遙

玉山

玉山高與閬風齊
玉水清流不貯泥
何處更

求迴日馭此中兼有上天梯珠容百斛龍休
睡桐拂千尋鳳要接聞道神仙有才子清商
吹罷好相携

贈華陽宋真人兼寄清都劉先生

淪謫千年別帝宸至今猶識藥珠人但驚方
許同仙籍不記盧劉是二親玉檢賜書迷鳳
篆金華歸駕冷龍鱗不因杖屨逢周史徐甲
何曾有此身

詠史

歷覽前賢國與家，成由窮儉破由奢。何須琥
珀方爲枕，豈得真珠始是車。運去不逢青海
馬，力窮難拔蜀山蛇。幾人曾預南薰曲，終古
蒼梧哭翠華。

回中牡丹爲雨所敗二首

浪笑榴花不及春，先期零落更愁人。三盤迸
淚傷心數，錦瑟驚絃破夢頻。萬里重陰非舊
圃，一年生意屬流塵。前溪舞罷君迴顧，併覺
今朝粉態新。

仙苑他年未可追
西州今日忽相期
水亭暮雨寒猶在
羅薦春香煖不知
舞蝶殷勤收落
藥有人惆悵卧遙帷
章臺街裏芳菲伴
且問宮腰損幾枝

和州江潭作感孕金輪所

神劍飛來不易消
碧潭珍重駐蘭橈
自携明月移燈爽
欲就行雲散錦遙
河伯軒窓通貝闕
水宮帷箔卷冰綃
它時燕脯無人寄
雨滿空城蕙葉凋

赴職潼梓留別畏之貧外同年

佳兆聯翩過鳳凰
雕文羽帳紫金床
桂花香處同高第
柿葉翻時獨悼亡
烏鵲入栖長不定
鴛鴦何事定相將
出京庸蜀三千里
送到咸陽見二兄

三十二兄與畏之貧外相訪見招小飲
時予以悼亡日近不去因寄

謝傳門庭舊未行
今朝歌管屬檀郎
更無人處簾垂地
欲拂塵時簟竟床
嵇氏幼男猶可

詞集卷六
三
憫左家嬌女豈能忘愁霖腹疾俱難遣萬里
西風夜正長

曲池

日下繁香不自持月中流艷與誰期
迎憂急鼓疎鐘斷分隔休燈滅燭時
張蓋欲江灩澦迴頭更望柳絲絲
從來此地黃昏散未信河梁是別離

蜂

小苑華池爛熳通後門前檻思無窮
窵妃腰

細纔勝露趙后身輕欲倚風紅壁寂寥崖蜜
盡碧簾迢迢霧巢空青陵粉蝶休離恨長是
相逢二月中

辛未七夕

恐是仙家好別離故教迢迢作佳期由來碧
落銀河畔可要金風玉露時清漏漸移相望
久微雲未接過來遲豈能無意酬焉鵲誰與
蜘蛛乞巧絲

春日寄懷

世間榮落重逡巡我獨立園坐四春縱使有
花兼有月可堪無酒更無人青袍似草年年
定白髮如絲日日新欲逐風波千萬里未知
何路到龍津

和劉評事永樂閑居見寄

白社幽閑君暫居青雲器業我全疎已看諫
草歸鸞掖尚憤衡門待鶴書蓮聳碧峯關路
近荷翻翠盖水堂虛自探典籍忘名利欹枕
時驚落蠹魚

已看一作看
對憤一作責

無題七首

萬事風波一葉舟
憶歸初罷更夷猶
碧江地沒元初引
黃鶴沙邊亦少留
益德冤魂終報主
阿童高義鎮橫秋
人生豈得長無謂
懷古思鄉共白頭

昨夜星辰昨夜風
畫樓西畔桂堂東
身無綵鳳雙飛翼
心有靈犀一點通
隔座送闌春酒
燭分曹射覆蠟燈紅
嗟子聽鼓應官去
走馬蘭臺類轉蓬

詞集卷八
來是空言去絕蹤月斜樓上五更鐘夢爲遠
別啼難喚書被催成墨未濃蠟燭半籠金翡翠
麝熏數度綉芙蓉劉郎已恨蓬山遠更隔
蓬山一萬重

颯颯東南細雨來芙蓉塘外有輕雷金蟾嚙
鎖燒香入玉虎牽絲汲井迴賈氏窺簾韓掾
少宓妃留枕魏王才春心莫共花爭發一寸
相思一寸灰

相見時難別亦難東風無力百花殘春蠶到

死絲方盡蠟炬成灰淚始乾
曉鏡但愁雲鬢改夜琴應覺月光寒
蓬山此去無多路青鳥殷勤爲探看

炬一作燭

鳳尾香羅薄幾重碧文圓頂夜深縫
扇裁月魄羞難掩車走雷聲語未通
曾是寂寥金燼斷却無消息石榴紅
斑駁只繫垂楊柳何處西南待好風

斷一作晴

重幃深下莫愁堂卧後清宵細細長
神女生涯元是夢小姑居處本無郎

古詩有
小姑無郎之語

風

詞集卷八
波不信菱枝弱月露誰教桂葉香直道相思
了無益未妨惆悵是清狂

一片

一片非烟隔九枝蓬萊仙仗儼雲旗天泉水
暖龍吟細露畹春多鳳舞遲榆莢散來星斗
轉桂花尋去月輪移桑田滄海朝朝變莫遣
佳期更後期

酬崔八早梅有贈兼示之作

始訪寒梅過野塘久留金勒爲迴腸謝郎衣

袖初翻錦荀令熏爐更換香何處拂胸資蝶
粉幾時塗額藉蜂黃維摩一室雖多病亦要
天花作道場

可歎

幸會東城宴未迴年華憂共水相催梁家宅
裏秦宮入趙后樓中赤鳳來冰簟且眠金鏤
枕瓊筵不醉玉交杯宓妃愁坐芝田館用盡
陳王八斗才

臨發崇讓宅紫薇

一樹濃姿獨看來，秋庭暮雨類輕埃。不先搖落應爲有，已欲別離休更開。桃綬含情依露井，柳絲相憶隔章臺。天涯地角同榮謝，豈要移根上苑栽。

及第東歸次灞上却寄同年

芳桂當年各一枝，行期來分壓春期。江魚朔鴈長相憶，秦樹嵩雲自不知。下苑經過勞想像，東門送餞又差池。灞陵柳色無離恨，莫恠長條贈所思。

過尹僕射舊宅

朱邱方酬力戰功
華筵俄嘆逝波窮
迴廊簷斷燕飛出
小閣塵凝人語空
清淚欲乾殘菊露
餘香猶入敗荷風
何能更涉隴江去
獨立寒流弔楚宮

銀河吹笙

悵望銀河吹玉笙
樓寒院冷接平明
重衾幽夢他年斷
別樹羈雌昨夜驚
月桂故香因雨盡
風簾殘燭隔霜清
不須浪作絃山意
湘瑟

秦蕭自有情

戲贈任秀才

一文薔薇隔翠筠
羅窓不識繞街塵
峽中尋覓長逢雨
月裏依稀更有人
虛爲錯刀留遠客
枉緣書札損文鱗
遙知小閣還斜照
羨殺烏龍卧錦茵

春雨

悵卧新春白袷衣
白門寥落意多違
紅樓隔雨相望冷
珠箔飄燈獨自歸
遠路應悲春晼

晚殘宵猶得夢依稀
三瑞絨札何由達
萬里雲羅一夜飛

宿晉昌亭聞驚禽

羈緒鰥鰥夜景侵
高窓不掩見驚禽
飛來曲渚烟方合
過盡南塘樹更深
胡馬嘶和榆塞笛
楚猿吟雜橘村砧
失群掛木知何限
應隔天涯共此心

題白石蓮花寄楚公

白石蓮花誰所共
六時長捧佛前燈
空庭苔

蘇饒霜露時夢西山老病僧大海龍宮無限
地諸天鴈塔幾多層謾誇驚子真羅漢不會
牛車是上乘

楚宮二首

湘波如淚色懔懔楚禰迷魂逐恨遙楓樹夜
猿愁自斷女郎魂夢語相邀空歸腐敗猶難
復更困腥臊豈易招但使故鄉三戶在絲絲
誰惜繫長蛟

又

月姊曾逢下彩蟾傾城消息隔重簾已聞珮
響知腰細更絃絃聲覺指纖暮雨自歸山悄
悄秋河不動夜厭厭王昌且在東牆住未必
金堂得免嫌

鄭州獻從叔舍人

蓬島煙霞閣苑鍾三官牋奏附金龍茅君奕
世仙曹貴許掾全家道氣濃絳簡尚叅黃紙
案丹爐猶用紫泥封不知他日華陽洞許上
瓊樓第幾重

上
一作到

安定城樓

迢迢高城百尺樓，綠楊枝外盡汀洲。
賈生年少空垂淚，王粲春來更遠遊。
永憶江湖歸白髮，欲回天地入扁舟。
不知腐鼠成滋味，猜意鵲雛竟未休。

即日

一歲林花即日休，江間亭下悵淹留。
重吟細把終無奈，已落猶開未放愁。
山色正來銜小苑，春陰只欲傍高樓。
金鞍忽散銀盃滴，更醉

誰家白玉鉤

和韓錄事送宮人入道

星使追還不自由
雙童捧上綠瓊輈
九枝燈
下朝金殿三素雲中上
玉樓鳳女顛狂成
別月娥孀獨好同遊
當時若愛韓公子
埋骨成灰恨未休

淚

永巷長年悲綺羅
離情終日思風波
湘江竹
上痕無限
峴首碑前洒幾多人去
紫臺秋入

塞兵殘楚帳夜間歌朝來灞水橋邊問未抵
青丘送三珂

十字水期韋潘侍郎同年不至時韋寓
居水次故郭汾陽宅

伊水濺濺相背流朱欄書閣幾人遊
漆燈夜照真無數蠟炬晨炊竟未休
顧我有懷同大夢期君不至更沉憂
西園碧樹今誰主與近高窓同聽秋

流鶯

流鶯漂蕩復參差渡陌臨流不自持巧轉豈
能無本意良辰未必有佳期風朝露夜陰晴
裏萬戶千門開悶時曾苦傷春不思聽鳳城
何處有花枝

七月二十九日崇讓宅宴作

露如微霰下前池月過迴塘萬竹悲浮世本
來多聚散紅蕖何事亦離披悠楊歸夢唯燈
見灑落生涯獨酒知豈到白頭長只尒嵩陽
松雪有心期

贈從兄闡之

悵望人間萬事違
私書幽夢約忘機
菰花村裏魚標在
石蘚庭中鹿跡微
幽徑定携僧共
入寒塘好與月相依
城中獬犬憎蘭珮
莫損幽芳久不歸

行至金牛驛寄與元渤海書

樓上春雲水底天
五雲章色破巴牋
諸生箇箇王恭柳
從事人人庾杲蓮
六曲屏風江雨急
九枝燈檠夜珠圓
深慙走馬金牛路
驟和

陳王白馬篇

梓州罷吟寄同舍

不揀花朝與雪朝五年從事霍嫖姚君緣接
座交珠履我爲分行近翠翹楚雨含情皆有
托漳濱多病竟無憀長吟遠下燕臺去唯有
衣香染未銷

昨日

昨日紫姑神去了今朝青鳥使還來未容言
語還分散少得團圓足怨嗟二八月輪蟾影

破十三絃柱鴈行斜
平明鐘後更何事
笑倚墻厓梅樹花

汴上送李郢之蘇州

人高詩苦滯夷門
萬里梁王有舊園
炬幌自應憐白紵
月樓誰伴詠黃昏
露挑塗頰依苔井
風柳誇腰住水村
蘇小小墳今在否
紫蘭香逕與招魂

贈鄭讜處士

浪跡江湖白髮新
浮雲一片是吾身
寒歸山

觀隨棊局暖入汀州逐釣綸越挂留烹張翰
鱸蜀薑供煮陸機尊相逢一笑憐踈放他日
扁舟有故人

復至裴明府所居

伊人卜築自幽深桂卷杉籬不可尋柱上雕
虫對書字槽中瘦馬仰聽琴求之流輩豈易
得行笑關山方獨吟賒取松醪一斗酒與君
相伴洒煩襟

覽古

詩集卷八
莫恃金湯忽太平
草間霜露古今情
空存類壤真何益
欲舉黃旗竟不成
長樂瓦飛隨水逝
景陽鐘墮失天明
迴頭一吊箕山客
始信逃堯不爲名

曲江

望斷平時翠輦過
空聞子夜鬼悲歌
金輿不返傾城色
玉殿猶分下苑波
死憶華亭聞鶴唳
老憂王室泣銅駝
天荒地變心雖折
若比陽春意更多

九日謁令狐綯不見

曾共山翁把酒卮
霜天白菊繞階墀
十年泉下無消息
九日樽前有所思
不學漢臣栽首
菊空教楚客詠江
蓀
郎君官貴施行馬
東閣無因再得窺

一作時繞階

一作正離披

贈司勳杜十三員外

杜牧司勳字牧之
清秋一首杜秋詩前身應
是渠江總名總還曾字總
持心鐵已從千鎖
剎髮絲休嘆雪霜垂
漢江遠吊西江水
三帖

三丹盡育碑

明於奉
撰碑

題道靖院院在中條山故三頭之丞所

置統州刺史捨官居此今寫真行焉

此府丹成化鶴群青松予植變龍文室中別
有仙家日嶺上猶多隱士雲獨坐遺芳成故
事褰帷舊貌似元君自憐某室靈山下徒望
朝嵐與夕曛

題小松

憐君孤秀植庭中細葉輕陰滿座風桃李盛

時雖寂寞雪霜多後始青葱一年幾見榮枯
事百尺方資柱石功爲謝西園車馬客定悲
搖落盡成空

水齋

多病欲依有道人南塘晏起想秋江捲簾飛
燕還拂水開戶暗蟲猶打窗更闌前庭已披
卷初斟昨夜未開缸誰入爲報故交遺書
鯉魚時一雙

贈趙協律

卷八

十六

俱識孫公與謝公二年歡笑處
同已切鄰馬聲事不更共對
盧位望通遇與詩知平爲所知重安公門下又日南省恩深有館在
東山事此故樓空不堪歲暮相逢地我欲西
征君又東

章野人幽告

帶郭茅亭詩興饒回看一徑倚危橋
門開山色能深淺壁守湖光自動搖
幽花散落填書帙戲鳥低飛礙柳條
向北隱來堪自息如今

已是豪

感興寄友

十年京國摠忘憂
詩酒淋漓共貴遊
漢月夜吟鳩鵲觀
苑雲春讓鸛鷖
裘書來慰我臨池
上秋去思君到水
頭爲憶晉人張處
士于今江海尚淹
留

李商隱詩集卷第八

武安州刺史

土瘠未可耕田中無此種人

我從懷州來無幾難辨其書來

十年京國詩多矣詩中林泉是

都說在

月長

李商隱詩集卷第九

五言絕句

柳枝五首有序

柳枝者洛中聖娘也父饒好賈值風波死
上其母不念他兒子獨命柳枝生十七年
粧綰髻未嘗竟已復起去吹葉嚼藥調絲
管作天風海濤之曲多幽抑怨斷之音是
其傍與其家揖故來往者聞十年尚相與
疑其醉眠夢物斷不聘余從昆讓山比柳
枝居爲

近他日春朝會讓山下馬柳枝南柳下詠余燕
臺詩柳枝驚問誰人有此誰人爲是讓山謂
曰此吾里中少年叔耳柳枝手斷長帶結讓
山爲贈叔乞詩明日余比馬出其卷柳枝丫
鬢畢粧抱扇立下風障一袖指曰若叔是向
後三日當去其隣濺裙水上以博山香待與
郎俱過余諾之會所友有偕當請京師老戲
盜余卧裝以先不果留雪中讓山至且曰山
東諸侯取去矣明年讓山復東相背於戲上

因寓詩以志其故處云

花房與蜜脾蜂雄蛺蝶雌同時不同類那復
更相思

本是丁香樹春條結此生玉作彈碁局中心
亦不平

嘉瓜引蔓長碧玉冰去聲寒漿東陵雖五色不
忍值牙香

柳枝井上蟠蓮葉浦中乾錦鱗與繡羽水陸
有傷殘

畫屏繡步障物物自成雙如何湖上望只是
見鴛鴦

聽鼓

城頭疊鼓聲城下暮江清欲問漁陽搥時無
補正平

漫成二首

沈約憐何遜延年毀謝莊清新吳有得名譽
底相傷

露夕詠笑渠何郎得意初此時誰最賞沈范

兩尚書

柳下暗記

無奈池南柳千條
傍吹臺更將黃映白
擬作杏花媒

登樂遊原

向晚意不適
驅車登古原
夕陽無限好
只是近黃昏

悼傷後赴東蜀辟至散關遇雪

劍外從軍遠
無家與寄衣
散關三尺雪
回夢

舊鴛機

滯雨

滯雨長安夜殘燈獨客愁故鄉雲水地歸夢
不宜秋

早起

風露澹清晨簾間獨起人鳥啼花又笑畢竟

是誰春

鳥啼花又笑一作鶯花啼又笑

巴江柳

巴江可惜柳柳色綠侵江好向金鑾殿移陰

入綺窗

微雨

初隨林靄動稍共夜涼分
窗迥侵燈冷庭虛近水聞

妓席

樂府聞桃葉人前道得無
勸君書小字慎莫喚官奴

風

撩釵盤孔雀惱帶拂鴛鴦
羅薦誰教近齋時

鎖洞房

代應

昨夜雙鉤敗今朝百草輸
關西狂小吏唯唱遶末盧

張惡子廟

下馬捧椒漿迎神白玉堂
如何鐵如意獨自與姚萇

百果嘲櫻桃

珠寶雖先熟瓊李縱莫開
流鶯猶故在爭柰

諠舍來

櫻桃荅

衆果莫相誚天生名品高何因古樂府唯有

鄭櫻桃

韞

嘗聞宓妃韞渡水欲生塵好借嫦娥著清秋

踏月輪

追代盧家嘲堂內

道却橫波字入前莫謾羞只應同楚水長短

入淮流

天涯

春日在天涯
天涯日又斜
流鶯如有淚
爲濕最高花

細雨

帷飄白玉堂
簾卷碧牙床
楚女當時意
蕭蕭絲髮涼

歌舞

過雲歌響清迴
雪舞腰輕
只要君王
眄君傾

國自傾

房君珊瑚散

不見嫦娥影
清秋守月輪
月中閑杵臼
桂子

搗成塵

嘲櫻桃

朱實烏含盡
青樓人未歸
南園無限樹
獨自

葉如幃

自貶

陶令棄官後
仰眠書屋中
誰將五斗米
擬換

北窓風

蝶

孤蝶小徘徊
翩翩翻粉翅
開併應傷皎
潔頻近雪中來

夜意

簾垂幕半捲
枕冷被仍香
如何爲相憶
魂夢過瀟湘

李夫人二首

一帶不結心
兩服方安髻
慚愧白茅人
月沒

更星替

剩結茱萸枝多擘秋蓮的獨自有波光綵囊
盛不得

高花

花將入共笑籬外露繁枝宋玉臨江宅墻低
不擬窺

朝桃

無賴天桃面平明露井東春風未開了却擬
笑春風

言集卷八
七
戲席重送從叔余之梓州

莫歎萬重山君還我未還
武關猶悵望何況
百牢關

憶梅

定定任天涯依依向物華
寒梅最堪恨長作
去年花

七言絕句

漢宮詞

青雀西飛竟未回
君王常在集靈臺
侍臣最

有相如渴不賜金莖露一杯

常一作長

宮詞

君恩如水向東流得寵憂移失寵愁莫向尊
前奏花落涼風只在殿西頭

龍池

龍池賜酒敞雲屏羯鼓聲高衆樂停夜半燕
歸宮漏永薛王沉醉壽王醒

瑤池

瑤池阿母綺窓開黃竹歌聲動地哀八駿日

行三萬里穆王何事不重來

咸陽

咸陽宮闕鬱嵯峨六國樓臺艷綺羅自是當時
天帝醉不關秦地有山河

過楚宮

巫峽迢迢舊楚宮至今雲雨暗丹楓浮生盡
戀人間樂只有襄王憶夢中

過華清內廐門

華清別館閉黃昏碧草悠悠內廐門自是明

時不巡幸至公青海有龍孫

賈生

宣室求賢訪逐臣
賈生才調更無倫
可憐夜半虛前席
不問蒼生問鬼神

夜雨寄內

君問歸期未有期
巴山夜雨漲秋池
何當共剪西窗燭
却話巴山夜雨時

宿駱氏亭寄崔雍

竹塢無塵水檻清
相思迢遞隔重城
秋陰不

言集卷九
散霜飛晚留得枯荷聽雨聲

訪隱者不遇成二絕

城郭休過識者稀
哀猿啼處有柴扉
滄江白石漁樵路
日暮歸來雨滿衣
秋水悠悠浸野扉
夢中來數覺來稀
玄蟬去盡黃葉落
一樹冬青人未歸

破鏡

玉匣清光不復持
菱花散亂月輪虧
秦臺一照山雞後
便是孤鸞罷舞時

人欲

人欲天從竟不疑
莫言圓蓋便無私
秦中已久烏頭白
却是君王未備知

華山題王母祠

蓮華峯下鎖雕梁
此去瑤池地共長
好爲麻姑到東海
勸栽黃竹莫栽桑

北齊二首

一笑相傾國便亡
何勞荊棘始堪傷
小蓮玉體橫陳夜
已報周師入晉陽

巧笑知堪敵萬機，傾城最在著戎衣。
晉陽已陷休迴顧，更請君王獵一圍。

蝶二首

長眉畫了繡簾開，碧玉臺爲問翠
釵。釵上鳳不知香頸爲誰迴。
壽陽公主嫁時粧，八字宮眉捧額黃。
見我佯羞頻照影，不知身屬冶遊郎。

渾河中

九廟無塵八馬迴，奉天城壘長春苔。
咸陽原

上英雄骨半向君家養馬來

憶匡一師

無事經年別遠公帝城鐘曉忘西峯
爐烟銷盡寒燈晦童子開門雪滿松

寄令狐郎中

嵩雲秦樹久離居雙鯉迢迢一寄書
休問梁園舊賓客茂陵秋雨病相如

昨夜

不聽鷓鴣啼年芳但惜流塵暗洞房昨夜西

池涼露滿桂花吹斷月中香

桂花

風露淒淒秋景繁，可堪榮落在朝昏。
未央宮

裏三千女，但保紅顏莫保恩。

淒淒一作憐

夕陽樓

在榮陽是今遂寧
蕭侍郎牧榮陽日作

花明柳暗繞天愁，上盡重城更上樓。
欲問孤鴻向何處，不知身世自悠悠。

東還

自有仙才自不知，十年長夢採華芝。
秋風動

地黃雲暮歸去嵩陽尋舊師

端居

遠書歸夢兩悠悠只有空牀敵素秋
堦下青

苔與紅葉雨中寥落月中愁

葉一作樹

遊靈伽寺

碧波秋寺泛湖來永浸城根古堞摧
盡日傷

心人不見石榴花滿舊琴臺

波一作煙

嫦娥

雲母屏風燭影深長河漸落曉星沉
嫦娥應

詩集卷九
十一
悔偷靈藥碧海青天夜夜心

宮妓

珠箔輕明拂玉墀
披香新殿鬪腰肢
不須看盡魚龍戲
終遣君王怒偃師

寄成都高苗二從事二首

時二公從事尚隱座主府

家近紅蕖曲水濱
全家羅襪起秋塵
莫將越客千絲網
網得西施別贈人

紅蓮幕下紫梨新
望斷湘南病渴人
今日問君能寄否
二江風水接天津

同崔八詣藥山訪融禪師

共受征南不次恩，報恩唯是有忘言。
岩花澗草西林路，未見高僧且見猿。

馬嵬

冀馬燕犀動地來，自埋紅粉自成灰。
君王若道能傾國，玉輦何由過馬嵬。

望喜驛別嘉陵江水二絕

嘉陵江水此東流，望喜樓中憶閬州。
若到閬州還赴海，閬州應更有高樓。

言集卷九
十三
千里嘉陵江水色含煙帶月碧於藍今朝相
送東流後猶自驅車更向南

樂遊原

萬樹鳴蟬隔斷虹樂遊原上有西風
勢和自趁虞淵宿不放斜陽更向東

為有

為有雲屏無限嬌鳳城寒盡怕春宵無端嫁
得金閨壻辜負香衾事早朝

夜半

三更三點萬家眠
露欲爲霜月壓煙
聞鼠上床蝙蝠出
玉琴時動倚窗絃

壓一作墮

贈宇文中丞

欲構中天正急材
自緣煙水戀平臺
人間只有嵒中散
最望山公啓事來

公盛歎亡友張君茂此有句

寄永道士

共上雲山獨下遲
陽臺白道細如絲
君今併倚三珠樹
不記人間落葉時

華州周大夫宴席西銓

郡齋何用酒如泉飲得先時已醉眠若共門
人推禮分戴崇爭得及彭宣

荊山

壓河連華勢孱顏鳥沒雲歸一望間揚僕移
關三百里可能全是爲荊山

次陝州先寄源從事

離思羈愁日欲晡東周西雍此分途迴鑾佛
寺高多少望盡黃河一曲無

過鄭廣文舊居

宋玉平生恨有餘
遠循三楚帑三閭
可憐留著臨江宅
異代應教庾信居

東下三旬苦於風土馬上戲作

路遶函關東復東
身騎征馬逐驚蓬
天池遼濶誰相待
日日虛乘九萬風

夢令狐學士

山驛荒涼白竹扉
殘燈向曉夢清暉
右銀臺路雪三尺
鳳詔裁成當直歸

涉洛川

通谷陽林不見人我來遺恨古時春
宓妃漫結無窮恨不爲君王殺灌均

灌均陳王之典
籤譜諸王於文

帝者

寄在朝鄭曹獨孤李四同年

昔歲陪遊舊跡多風光今日兩蹉跎
不因醉本蘭亭在兼忘當年舊永和

南朝

地險悠悠天險長金陵王氣應瑤光
休誇此地分天下只得徐妃半面粧

代董秀才却扇

莫將畫扇出帷來
遮掩春山滯上才
老道團圓是明月
此中須放桂花開

別智玄禪師

雲鬢無端怨別離
十年移易住山期
東西南北皆垂淚
却是楊朱真本師

贈孫綺新及第

長樂遙聽上苑鐘
綵衣稱慶桂香濃
陸機始擬誇文賦
不覺雲間有士龍

言集卷九
十六
代祕書贈弘文館諸校書

清切曹司述玉除比來秋興復何如崇文館
裏飛霜後無限紅梨憶校書

亂石

虎踞龍蹲縱復橫星光漸滅水痕生不須併
礙東西路哭殺厨頭阮步兵

即日

小鼎煎茶面面池白鬚道士竹間碁何人書
破蒲葵扇記著南塘移樹時著一作得

殘花

殘花啼露莫留春
尖髻誰非怨別人
若但掩關勞獨夢
寶釵何日不生塵

天津西望

虜馬崩騰忽一狂
翠華無不到東方
天津西望腸真斷
滿眼秋波出苑牆

不一作月

海客

海客乘槎上紫氛
星娥罷織一相聞
只應不憚牽牛妬
聊用文機石贈君

初食華呈座中

歟種香苞初出林於陵論價重如金
皇都盛海應無數忍剪凌雲一寸心

寄蜀客

君到臨邛問酒壚近來還有長卿無
金徽却是無情物不許文君憶故夫

海上

石橋東望海連天徐福空來不得仙
直遣麻姑與搔背可能留命待桑田

同學彭道士參寥

莫羨仙家有上真
仙家暫謫亦千春
月中桂樹高多少
試問西河斫樹人

到秋

扇風漸灑輦流瀉
萬里南雲滯所思
守道清秋還寂寞
葉丹荅碧閉門時

華岳下題西王母廟

神仙有分豈關情
八馬空追落日行
莫恨名姬中夜沒
君王猶自未長生

丹江

青文丁寧結夜霜義和辛苦送朝陽丹丘萬
里無消息幾樹梧桐憶鳳凰

鳳

萬里峯巒歸路迷未須容彩借山雞新春定
有將雛樂阿閭華池兩處棲

病中早訪招國寺十將軍遇挈家遊曲
江

十頃平波溢岸清病來唯夢此中行相如未

是真消渴猶放淹江過錦城

櫻桃花下

流鶯舞蝶兩相欺不取花房正結時他日未
開今日謝嘉辰長短是參差

故驛迎弔故桂府侯府君

飢烏翻樹晚雞啼泣過秋原波馬泥二紀征
南恩與舊此時丹旆下山西

暮秋獨遊曲江

荷葉生時春恨起荷葉枯時秋恨成深知身

蟾

在情長在恨望江頭江水聲

起一作三

任弘農尉獻州刺史乞假歸京

黃昏封印點刑徒愧負飛山入座隅却羨
和雙別是一生無復波聲趨

贈幻芒神

佳期不定春期賒春物天闕興咨嗟願得勾
芒索青女不教容易損年華

月夜重寄宋華陽姊妹

偷桃竊藥事難兼十二城中鎖彩取應共三

英同夜賞玉樓仍是水晶簾

雨中長樂水館送趙十五滂不及

碧雲東去雨雲西苑路高高驛路低秋水綠

蕪終盡分夫君太騁錦障泥

分一作處

池邊

玉管葭灰細細吹流鶯上下燕參差日西千
遠池邊樹憶把枯條撼雪時

寄惱韓同年時韓住蕭洞二首

簾外辛夷定已開開時莫放艷陽迴年華若

到經風雨便是胡僧話劫灰
龍山晴雪鳳棲霞洞裏迷人有幾家我爲傷
春心自醉不勞君勸石榴花

謁山

從來繫日之長繩水去雲迴恨不勝欲就麻
姑買滄海一杯春露冷如冰

釣天

上帝釣天會衆靈昔人因夢到青冥伶倫吹
裂孤生竹却爲知音不得聽

李商隱詩集卷第九

李商隱詩集卷第十

七言絕句

石榴

榴枝婀娜榴實繁
榴膜輕明榴子鮮
可羨瑤池碧桃樹
碧桃紅顏一千年

初起

想像咸池日欲光
五更鐘後更迴腸
三年苦霧巴江水
不爲離人照屋梁

謝書

微意何曾有一毫空携筆硯奉龍韜自蒙半
夜傳衣後不羨王祥得佩刀

杜司勳

高樓風雨感斯文短翼差池不及群刻意傷
春復傷別人間唯有杜司勳

岳陽樓二首

欲爲平生一散愁洞庭湖上岳陽樓可憐萬
里堪乘興枉是蛟龍解覆舟

漢水方城帶百蠻四鄰誰道亂周班如何一

夢高唐雨自此無心入武關

送王三十校書分司

多少分曹掌祕文
洛陽花雪夢隨君
定知何遜緣聯句
每到城東憶范雲

華師

孤鶴不睡雲無心
衲衣筇杖來西林
院門晝鎖迴廊靜
秋日當堦柿葉陰

楚吟

山上離宮宮上樓
樓前宮畔暮江流
楚天又

言集卷一
值黃昏雨宋玉無愁亦自愁

席上作

作

一云

予為

桂林

從事

敬府

賦

高唐

詩

淡雲輕雨拂高唐玉殿秋來夜正長
料得也應吟宋玉一生惟事楚襄王

三月十九日流盃亭

身屬中軍少得歸木蘭花盡失春期
偷隨柳絮到城外行過水西聞子規

花下醉

尋芳不覺醉流霞倚樹沉眠日已斜
客散酒

醒深夜後更持紅燭賞殘花

贈歌妓二首

水精如意玉連環下蔡城危莫破顏紅綻櫻
桃含白雪斷腸聲裏唱陽關

白日相思不奈何嚴城清夜斷經過只知解
道春來瘦不道春來獨自多

夢澤

夢澤悲風動白茅楚王葬盡滿城嬌未知歌
舞能多少虛減宮厨爲細腰

屏風

六曲連環接翠帷
高樓半夜酒醒時
掩燈遮霧密
如此雨落月明俱不知

四皓廟二首

本爲留侯慕赤松
漢庭方識紫芝翁
蕭何只解追韓信
豈得虛當第一功

羽翼殊勲弃若遺
皇天有運我無時
廟前便接山門路
不長青松長紫芝

有感二首

中路因循我所長古來才命兩相妨勸君莫
強安蛇足一盞芳醪不得嘗

非關宋玉有微詞自是襄王夢覺遲一自高
唐賦成後楚天雲雨盡堪疑

自一作卻

西亭

此夜西亭月正圓疎簾相伴宿風煙梧桐莫
更翻清露孤鶴從來不得眠

月夕

草下陰虫葉上霜朱欄迢迢壓湖光兔寒蟾

吟桂花白此夜嫦娥應斷腸

偶題二首

小亭閑眠微醉消山榴海栢枝相交水紋簟
上珊瑚枕傍有墮釵雙翠翹
清月依微香露輕曲房小院多逢迎春叢定
是雙栖夜飲罷莫持紅燭行

公子

外戚封侯自有恩平明通籍九華門金唐公
主年應少二十君王未許婚

春日

欲入盧家白玉堂
新春催破舞衣裳
蝶銜花
藥蜂銜粉共助青龍一日忙

贈白道者

一云詠史

十二樓前再拜辭
靈風正滿碧桃枝
壺中若有天地又向壺中傷別離

隋宮

一云隋堤

乘興南遊不戒嚴
九重誰省諫書函
春風舉國裁宮錦
半作障泥半作帆

詩集卷二
贈庾十二朱版

時庾在翰林
朱書版上

固漆投膠不可開
贈君珍重比瓊瑰
君王曉坐金臺殿
只待相如草詔來

詠史

北湖南埭水湯湯
一片降旂百尺竿
三百年間同曉夢
鐘山何處有龍蟠

東阿王

國事分明屬灌均
西陵魂斷斷來人
君王不得爲天子
坐爲當時賦洛神

李衛公

絳紗弟子音塵絕
鸞鏡佳人舊會稀
今日致身歌舞地
木繇花發鷓鴣飛

發一作暖

吳宮

龍檻沉沉水殿清
禁門深掩斷人聲
吳王宴罷滿宮醉
日暮水漂花出城

霜月

初聞征雁已無蟬
百尺樓南水接天
青女素娥俱耐冷
月中霜裏鬪嬋娟

鵝

眠沙卧水自成群
曲岸殘陽極浦雲
那得將心憐孔翠
羈雌長共故雄分

金燈花

蘭膏藝處心猶淺
銀燭燒殘焰不馨
好向書生窓畔種
免教辛苦更囊螢

柳三首

曾逐東風拂御筵
樂遊清苑斷腸天
如何肯到清秋日
已帶斜陽又帶烟

御一作舞
烟一作蟬

柳映江潭底有情望中頻遣客心驚巴雷隱
隱千山外更作章臺走馬聲

爲有橋邊拂面香何曾自敢占流光後庭王
樹承恩澤不信年華有斷腸

代應二首

溝水分流西復東九秋霜月五更風離鸞別
鳳今何在十二玉樓空復空

本來銀漢是紅墻隔得盧家白玉堂誰與王
昌報消息盡知三十六鴛鴦

日射

日射紗窗風撼扉香羅掩手春事違迴廊四

合掩寂寞碧紅鸚鵡對薔薇

一作碧鸚鵡對
紅薔薇

賦得雞

韶梁猶足活諸雛妬敵專場好自娛可要五
更驚穩夢不辭風雪爲陽烏

明神

明神司過豈令冤暗室由來有禍門莫爲無
人欺一物他時須慮石能言

離亭賦得折楊柳二首

暫憑樽酒送無憀，莫損愁眉與細腰。
人世死前唯有別，春風爭擬惜長條。

含烟惹霧每依依，萬緒千條拂落暉。
爲報行人休盡折，半留相送半迎歸。

王昭君

毛延壽畫欲通神，忍爲黃金不爲人。
馬上琵琶行萬里，漢宮長有隔生春。

送秦師二首

言集卷十
昔去靈山非佛席今來滄海欲求珠楞伽頂
上清涼地善眼仙人憶我無
苦海迷途去未因東方過此幾微塵何當百
億蓮花上一一蓮花見佛身

代贈二首

東南日出照高樓樓上離人唱石州
搥把春山掃眉黛不知供得幾多愁

樓上黃昏欲望休玉梯橫絕月如鉤
芭蕉不展丁香結同向東風各自愁
如一作中

閨情

紅露花房白蜜脾黃蜂紫蝶兩參差春窻一
覺風流夢却是同袍不得知

莫愁

雪中梅下與誰期梅雪相兼一萬枝若是石
城無艇子莫愁還自有愁時

齊宮詞

永壽兵來夜不扃金蓮無復印中庭梁臺歌
管三更罷猶自風搖九子鈴

驪山有感

驪岫飛泉泛暖香
九龍呵護玉蓮房
平明每幸長生殿
不從金輿唯壽王

日日

一云春光

日日春光闌日光
山城斜路杏花香
幾時心緒渾無事
得及遊絲百尺長

訪人不遇留別館

卿卿不惜瑣窗春
去作章臺走馬身
閑倚繡簾吹柳絮
日高深院斷無人

無題二首

聞道閭門萼綠華
昔年相望向天涯
豈知一夜秦樓客
偷看吳王內苑花

紫府仙人號寶燈
雲漿未飲結成冰
如何雪

月交光後更在瑤臺十二層

雪一作雲
後一作夜

過招國李家南園二首

潘岳無妻客爲愁
新人來坐舊粧樓
春風猶自擬聯句
雪絮相和飛不休

長亭歲盡雪如波
此去秦關路幾多
唯有夢

中相近分卧來無睡欲如何

留贈畏之二首

待得郎來月已低寒暄不道醉如泥五更又
欲向何處騎馬出門鳥夜啼

戶外重陰黯不開含羞迎夜復臨臺瀟湘浪
上有烟景安得好風吹汝來

梓潼望長卿山至巴西復懷譙秀

梓潼不見馬相如更欲南行問酒壚行到巴
西覓譙秀巴西唯是有寒蕪

青陵臺

青陵臺畔日光斜萬古貞魂倚暮霞莫許韓
憑爲蛺蝶等閑飛上別枝花

蜀桐

王壘高桐拂玉繩上含非霧下含冰枉教紫
鳳無棲處斲作秋琴彈廣陵

漢宮

通靈夜醮達清晨承露盤晞甲帳春王母西
歸方朔去更須重見李夫人

華清宮二首

朝元閣迥羽衣新
首按昭陽第一人
當日不來歌舞處
可能天下有胡塵

華清恩幸古無倫
猶恐蛾眉不勝人
未免被他褒女笑
只教天子暫蒙塵

洛陽

輦樹先春雪滿枝
上陽宮柳嚙黃鸝
桓譚未便忘西笑
豈爲長安有鳳池

陽城

一云無題

白道縈迴入暮霞
班駘嘶斷七香車
春風自共何人笑
枉破陽城十萬家

飲席代官妓贈兩從事

新入橋上著春衫
舊主江邊側帽簷

隋獨孤信風吹

帽側觀者塞路

願得化為紅綬帶
許教雙鳳一時銜

代魏官私贈

黃初二年已購存沒追代其意何必同時亦廣子夜

鬼之歌源

來時西館阻佳期
去後漳河隔夢思
知有安妃無限意
春松秋菊可同時

代元城吳令暗爲客

背闕歸藩路欲分水邊風日半西
暉荆王枕上元無夢莫在陽臺一片雲

灞岸

山東今歲點行頻幾處冤魂哭虜塵
灞水橋邊倚華表平時二月有東巡

七夕

鸞扇斜分鳳幄開星橋橫過鵲飛迴
爭將世上無期別換得年年一度來

題漢祖廟

乘運應須宅八荒男兒安在懋池隍君王自
起新豐後項羽何曾在故鄉

韓望郎即席爲詩相送一座盡驚他日
余方追吟連宵侍坐徘徊久之句有老
成之風因成二絕寄酬兼呈畏之負外
十歲裁詩走馬成吟灰殘燭動離情桐花萬
里丹山路離鳳清於老鳳聲
劍棧風簫受苦辛別時冰雪到時春爲憑何

遜休聯句瘦盡東陽姓沈人沈東陽約嘗謂

能及余雖無東陽之才而讀卿詩一日三復有東陽之瘦矣

評事翁寄賜粥走筆爲答

粥香餲白杏花天省對流鶯坐綺筵今日寄
來春已老鳳樓迢迢憶鞦韆

過景陵

武皇精魄久仙昇帳殿淒涼烟露凝俱是蒼
生留不得鼎湖何異魏西陵

板橋曉別

迴望高城落曉河長亭窻戶壓微波水仙欲
上鯉魚去一夜芙蓉紅淚多

關門柳

永定河邊一行柳依依長發故年春東來西
去人情薄不爲清陰減路塵

楚宮

十二峯前落照微高唐宮騎坐迷歸朝雲暮
雨長相接猶自君王恨見稀

鴛鴦

離去^五飛萬里天雲羅滿眼淚潸然不須長
結風波願鎖向金籠始兩全

妓席時託送同年獨孤雲之武昌

疊嶂千重叫恨猿長江萬里送離魂武昌苦
有山頭石爲拂蒼苔檢淚痕

送一作洗

武夷山

只得流霞酒一盃空中簫鼓當時迴武夷洞
裏生毛竹老盡曾孫更不來

一片

一片瓊英價動天
連城十五背虛傳
良工巧費真爲累
楮葉成來不直錢

相思

相思樹上合歡枝
紫鳳青鸞並羽儀
腸斷秦臺吹管客
日西春盡到來遲

送鄭六台文南覲

黎磳灘聲五月寒
南風無處附平安
君懷一匹胡威絹
爭拭酬恩淚得乾

舊頓

東人望幸久洛嗟四海于今是一家猶鎖平
時舊行殿盡無宮戶有宮花

花一作鴉

韋蟾

謝家離別正淒涼少傅臨歧賭佩囊却憶短
亭回首處夜來烟雨滿池塘

縣中偶飲席上

晚醉題詩贈物華罷吟還醉忘歸家若無江
氏五色筆奈河陽一縣花

戲題贈稷山驛吏王全

絳臺驛吏老風塵耽酒成仙幾十春
過客不勞詢甲子唯書亥字與時人

和韋潘前輩七月十二日夜泊池州城
下先寄上李使君

桂含爽氣三秋首
雲吐中甸三葉新
正是澄江如練處
玄暉應復見詩人

復一作喜

所居永樂縣久旱縣宰祈禱得雨因
賦詩

甘膏滴滴是精誠
晝夜如絲一尺盈
穠穠閭

閤喧鼓吹邑人同報范先生

正月十五夜聞京師有燈恨不得觀

月色燈光滿帝都香車寶馬隘通衢身閑不
覩中興盛羞逐鄉人賽紫姑馬一詩章

月

過水穿樓觸處明
荒人帶樹遠含清
初生欲缺虛惆悵
未必圓時即有情

夜吟

樹繞池寬月影多
村砧塢笛隔風波
西亭翠

被餘香薄一夜將愁向敗荷

波一作錦

城外

露寒風定不無情
臨水登山又隔城
未必明時勝蚌蛤
一生長共自虧盈

景陽井

景陽宮井剝堪思
不盡龍鸞誓死期
腸斷吳王宮外水
濁泥猶得葬西施

思一作悲

李商隱詩集卷第十 終

李商隱集補遺

復京

虜騎胡兵一戰摧
萬靈回首賀軒臺
天教李令心如日
可要昭陵石馬來

漫成

不妨何范盡詩家
未解當年重物華
還把龍山千里雪
將來擬並洛陽花

無題二首

待得郎來月已低
寒暄不道醉如泥
五更又

欲向何處騎馬出門烏夜啼
戶外重陰黯不開舍羞迎夜復臨臺蕭湘浪
上有煙景安得好風吹汝來

壬申閏秋題贈烏鵲

繞樹無依月正高鄴城新淚濺雲袍幾年始
得逢秋閏兩度填河莫告勞

江東

驚魚潑刺燕翩翩獨自江東上釣船今日春
光太漂蕩謝家輕絮沈郎錢

東南

東南一望日中烏欲逐羲和去得無且向秦樓棠樹下每朝先覓照羅敷

西南行卻寄相送者

百里陰雲覆雪泥行人只在雪雲西明朝驚破還鄉夢定是陳倉碧野鷄

平公門下

梁山兗水約從公兩地羌池一旦空謝墅庾村相吊後自今岐路更西東

補遺
讀任彥昇碑

任昉當年有美名可憐才調最縱橫
梁臺初建應惆悵不得蕭公作騎兵

江上憶嚴五

征南幕下帶長刀夢筆深藏五色毫
逢著澄江不設詠鎮西留與謝功曹

白雲夫舊居

平生誤識白雲夫再到僊簷憶酒壚
牆外萬株人迹絕夕陽惟照欲棲烏

假日

素琴絃斷酒瓶空
倚坐欹眠日已中
誰向劉伶天幕內
更當陶令北窓風

寄趙行軍

蓮幕遙臨黑水津
纒韃無事但尋春
梁王司馬非孫武
且免宮中斬義人

木蘭花

洞庭波冷曉侵雲
日日征帆送遠人
幾度木蘭舟上望
不知元是此花身

失猿

祝融南去萬重雲清甯無因更一聞莫遣碧
江通箭道不教腸斷憶同羣

戲題友人壁

花徑逶迤柳巷深小欄亭午轉春禽相如解
作長門賦卻用文君取酒金

寄遠

姮娥搗藥無時已王女投壺未肯休何日桑
田俱變了不教伊水更東流

舊將軍

雲臺高議正紛紛誰定當時蕩寇勲
日暮灞陽原上獵李將軍是舊將軍

曼情詞

十八年來墮世間瑤池歸夢碧桃閒
如何漢殿穿針夜又向窓中覩阿環

漫成五章

沈宋裁詞矜變律王楊落筆得良朋
當時自謂宗師妙今日惟觀對屬能

李杜操持事略齊三才萬象共端倪集僊殿
與金臺殿可是蒼蠅燕曉鷄
生兒古有孫征虜嫁女今無王右軍借問琴
書終一世何如旗蓋仰三分
代北偏師銜使節關東裨將建行臺不妨常
日饒輕薄且喜臨戎用草萊
郭令素心非顯武韓公本意在和戎兩都耆
舊偏垂汲臨老中原見朔風

五松驛

獨下長亭念過蔡五松不見見輿薪只應阮
斬斯高後尋被樵人用斧斤

四

卷之四

云

云

江太... 雲... 日... 今... 日...

雲... 日... 今... 日...

雲... 日... 今... 日...

雲... 日... 今... 日...

雲... 日... 今... 日...

雲... 日... 今... 日...

雲... 日... 今... 日...

雲... 日... 今... 日...

雲... 日... 今... 日...



